

卷  
八  
之  
八

78 79

対



七十八至七十九  
△

續文獻通考卷之七十八

皇明進士雲間王圻纂輯

節義考 節婦六

湖廣

馮氏梅福妻江夏人年二十八福歿于兵馮力貧孝養  
舅

姑守節洪武中旌

陳氏曾養吾妻江夏人夫歿于兵陳守節孝事舅洪姑  
武

續文獻通考  
中旌

任氏李仲富妻嘉魚人二十夫亡守節終身洪武中旌

張氏陳得顯妻江夏人年二十七顯卒一子幼張勤儉

治

家養姑宜德中旌

馮氏蔡珠妻武昌人珠以明經授廬陵主簿卒于官馮

年

二十九抱孤扶櫬歸葬斷髮自誓苦節四十餘年有

司以聞正統中旌

朱氏鄒英妻武昌護衛人年二十五守節終身成化中

旌

楊氏丘達妻江夏人達為諸生夫亡楊守節三十五年

成化中旌

康氏陳玉妻武昌護衛人夫亡年少撫幼子力貧守節

年八十五成化中旌

吳氏劉思中妻江夏人年二十三守節成化中旌

彭氏陳志妻武昌衛人志任千戶彭年十八歸甫數月

志遺腹生子世其官成化中旌

郭氏陳鎰妻江夏人鎰為諸生死時郭年二十六正德  
中旌

甯氏吳傑妻江夏人年二十傑卒甯號泣幾絕母戚欲  
奪其志甯刺面自垢持節五十七年正德中旌

易氏周子儉妻武昌人儉為諸生卒易年十九正德中  
旌

趙氏謝存憲妻蒲圻人趙年二十五憲卒撫孤三誥又  
卒趙偕娈婦龔氏紡績甘貧誓死守節嘉慶中旌

陳氏劉壽暹妻興國人暹亡無子遺兩妾陳禮嫁之苦

節四十餘年知卅戴大理以聞旌之

馮氏江夏人危景福妻適景福年方穉事舅姑孝敬二  
十五歲夫卒馮撫孤鳳翔成立未幾而鳳翔亦卒馮  
貧苦無依孫昂甫二歲馮又撫之孀居六十餘年壽  
九十一萬曆三年奏聞旌表

廖氏漢陽人年十三嫁鄭必真越三年而必真卒姑哀  
其無子而少寡欲更嫁之廖剪髮誓不嫁養姑至老  
不衰洪武中旌

龔氏馮天慶妻漢川人夫卒年十五子方歲餘家貧紡

績養姑撫孤成立洪武中旌

黃氏李貞妻漢陽人貞卒黃年二十八家貧極力盡孝  
以事舅姑遣子暹就學發身科目孀居四十三年景  
泰中旌

周氏李純妻漢陽人夫亡年甚少事姑盡孝殯葬以礼  
教子恕歷官府同知守節五十餘年成化中旌

王氏馬把攬妻沔陽人年二十五夫亡力貧守節永樂  
中旌

任氏吳景妻沔陽人景卒任二十有五誓以死守躬自

訓子歛十年不出戶姑病瘥痺抱持左右寢處必偕  
每夜焚香願天願以身代姑歿竟絕葷蔬食比葬得  
二白兔人以為孝感弘治中旌

熊氏袁子傑妻沔陽人年二十四孀居至老一節弘治  
中旌

高氏吳紋妻沔陽人紋卒無子高守節四十餘年正德  
中旌

曹氏盧友傑妻當陽人弘治十六年夫卒守節嘉靖二  
十八年旌

胡氏唐與言妻京山人與言為邑諸生胡歸一歲而卒  
無子守節四十餘年嘉靖中旌

何氏景陵人夫亡守節隆慶二年知縣萬梁以聞旌之  
王氏李謙妻均州人謙為諸生卒王年二十守節成化  
中旌

潘氏曹文妻襄陽人文為諸生死時潘年二十五無子  
守節受旌

張氏孫通妻襄陽護衛人孀時年二十五受旌

胡氏劉鐸妻襄陽人鐸任百戶卒時胡年十九養姑遺

誓死不變以貞白終受旌

段氏黎仕溫妻上津人年二十八溫卒段以死守孀居  
四十餘年成化中旌

許氏劉顯清妻保康人十九顯清溺水死許尋骸骨不  
獲尋亦赴水死成化中旌

王氏太學生鄧仁妻鄖人仁卒王年二十八矢志守節  
孀居五十餘年隆慶元年旌

尤氏楊仁妻竹山人年二十夫亡甚貧矢志撫男楊順  
高成立娶妻鄒氏生孫男楊瓊順高亦故鄒氏亦隨

姑守節萬曆元年旌

楊氏陳政三妻孝感人年十四通政三生男甫九歲翁姑夫相繼歿楊年二十六歲家極貧變衣物以置棺衾竟襄大事撫孤成立始終守節不二正統中有司上其事詔旌表之

劉氏朱昱妻隨人昱早卒遺腹生一子劉守志撫孤成立成化中旌

江氏周伏受妻孝感人伏受家漢陽比卒楚藩人林寬令魏富聘為妾江嘗富甚厲寬強遺脫巾江乃整衣折

籬走哭夫墓沉漳河死撫都朱廷聲御史張祿嘉其節知府劉本用取兩骸同棺葬之表曰江節婦墓

黎氏張瑀妻孝感人瑀園子生喪時黎年二十六家貧忍饑訓子守節正德中旌

彭氏王鸞妻雲夢人撫孤矢志不渝正德中旌  
周氏楊琬妻應城人無子苦節終身嘉靖中旌

章氏朱璵妻隨人璵為諸生死時章年甚少守節不二嘉靖中旌

王氏張楚英妻孝感人楚英為都御史璣之孫卒而家

貧王孀居惟女工自給恒日絕炊子或出負耻乞鄰  
火第掩門卧嘉靖中旌

王氏張楚英妻孝感人楚英為都御史瓚之孫卒而家  
貧王孀居惟女工自給恒日絕炊子或出負耻乞鄰  
火第掩門卧嘉靖中旌

趙氏翟軾妻德安所千戶趙威女軾卒時年二十一無  
依母居性純靜寡言笑不踰閭即女夫不得面年踰  
六十病家人勸視脉曰吾手平生未嘗近人不藥卒  
嘉靖中旌

方氏劉廷相妻孝感人家於郡年二十五廷相死貧不  
能振二子伯生伯燮未成童苦節教之陞庠中旌

魏氏熊谷貞妻黃岡人夫亡一子在襁褓而貧依父母  
織裋自給年踰八十以節終洪武中旌

王氏甘原礼妻蘄水人年二十四歸甘甫二年禮卒孀  
居二十三年洪武中旌

朱氏徐宗妻廣濟人年二十守節不移洪武中旌

張氏劉漢妻麻城人漢任商水知縣流賊至城陷張同  
女鸞山縊死正統中旌



盛氏鄧鑑妻黃陂人鑑任光祿署丞以土木之難歿于陣盛年二十七歲矢節撫孤瓊後以恩錄仕為柘州守盛年九十餘卒有司旌表之

張氏何儀妻唐濟人守節無玷正統中旌

盧氏劉鵬妻黃岡人夫卒痛哭嘔血遂自經死嘉慶中旌

劉氏蘄水人馬廷實妻廷實儒生貧甚劉紡績奉姑年甫二十廷實死遺孤溺死孫甫三週劉同媳潘氏撫之以主祀事萬曆中旌

杜氏王善妻江陵人夫卒生子倫甫二歲姑以年少家貧密勸之嫁杜曰夫以老母孤兒托我所不死者以此耳遂痛哭以死自誓姑年八十卒以禮歛塋教子成立孀居四十餘年正統中旌

姚氏張原泰妻石首人守節不渝姑病目眇之愈比姑歿工女事以給殯塋三年不食肉正統中旌

魏氏周鑪妻石首人鑪卒二十四家貧誓守四十餘年景泰中旌

尹氏張蘭妻石首人蘭為太學生卒尹年或十五姑老

子幼家貧戶躬勤紡績以給衣食養姑九十而卒教  
子讀書孀居五十餘年天順中旌

于氏沈彥清妻江陵人清卒于年二十八而貧養姑撫  
子守節四十餘年成化中旌

楊氏何清妻枝江人清為太學生卒楊年二十四子存  
中時在襁褓楊撫孤孺節至九十嘉靖中旌

翁氏周通妻江陵人通卒斷髮守節以死自誓嘉靖中  
旌

汪寶妻張氏冷騎妻鄧氏俱安遠人二節婦俱嘉靖三

十二年知縣田時雍奏聞旌表

董氏周宗義妻石首人宗義卒董年二十八生子鼎尚  
在懷乳中以死自誓紡績養舅姑教子讀書成名事

聞旌表

劉氏尚懋妻公安人年二十四夫卒誓不再醮撫遺孤  
文昌貢人太學劉守節垂三十年有司表旌之

駱氏余鳳儀妻宜都人年二十八鳳儀卒無嗣鄉人勸  
之更適拔刀自剄而止日勤紡績以養翁姑年六十  
有司表旌之

藍氏黎受三妻巴陵人適黎未幾夫卒無子依弟榮誓  
不再孀居五十年洪武中旌

程氏王谷樹妻澧人夫病篤刲股啖之夫遺命適人程  
剪髮誓無他終身足不踰閭洪武中旌

凌氏吳伏顯妻平江人永樂中以節旌

易氏方志通妻巴陵人年二十而寡力貧養姑姑疾篤  
易氏籲天求以身代病瘥奉養惟謹孀居四十餘年

成化中旌

黎氏毛瑤妻華容人適毛甫二載夫卒誓無他志教子

向學規度肅然成化中旌

張氏陳學明妻巴陵人年二十而寡無子或勸其改節

張執義不從以兄之子為後辛勤撫養居孀五十餘  
年成化中旌

方氏梅紀妻臨湘人年二十三而寡杜門却掃矢志不

渝成化中旌

黃氏余勝妻臨湘人二十二而寡撫孤守節始終如一

成化中旌

李氏謝紀妻巴陵人年二十四夫亡日夜慟哭不輟屢

死復甦遺腹生子梅鞠育成立皓首一節成化中旌  
陳氏朱宣妻岳州衛人宣任指揮死于陣陳年二十二  
孀居四十餘年弘治中旌

斬水烈婦陳氏甫十四適鐵匠周世文姑寡贅夫蔡鳳  
鳴旁又通於僧嗔婦不肖已令鳳鳴及僧百計誘之  
而身作威力搖撼不已鳳鳴遂強持婦婦力拒堅不  
從歸以語其父東陽冀助已父友謂當從其家俗于  
是自誓必死謂太姑曰兒不能為狗彘必死太姑慰  
諭給以不死是夜竟自縊死七日姑暴死鳳鳴避走

英山中不踰月亦死始婦死鄰黨喧傳觀者如市無  
不揮涕烈日中面色如生者儒謝朝宣皮子怨搗文  
祭奠而何文興進士為作傳時萬曆王辰也

袁氏五開衛舍人王言妻言十四歲聘言未婚以父指  
揮戴侵用官銀亡命言坐繫獄二十年袁誓不再適  
有司憐其節縱言成婚復繫言瘦死獄中袁守節終  
身隆慶四年旌

周氏王昇妻岳州衛人昇任千戶死于兵周哀之幾殞  
而甦杜門守節弘治中旌

徐氏李信妻岳州衛人年十七適信生一子英甫三歲  
信調征靖州歿于戍所徐年二十四清苦自勵孝養  
其姑弘治中旌

陳氏王萬爵妻平江人年二十餘夫亡無子陳厲節自  
守孀居四十餘年嘉慶間旌

劉氏吳紀妻臨湘人年二十一夫亡矢志不再醮遺子  
植撫子稍長遣令就學舉于鄉嘉靖三十六年旌

鄧氏梁尚志邵陽人早寡姑以家貧欲奪其志鄧指天  
泣誓撫幼養姑終其身正統中旌

段氏瀏陽陳忠妻年二十三夫亡誓不改節孀居三十  
六年節行無瑕天順初旌

洪氏諸生龍天衢妻攸人年十七歸龍期年病故無子  
葬夫之日即築墳夫側以死自誓隆慶間旌

羅氏諸生曹道妻益陽人年二十四而道亡羅誓不再  
適守節五十餘年雖至親相見不踰閭閻萬曆元年  
旌表

鄒氏武岡人段思禮妻孀時年二十四撫子肅頌鄉薦  
景泰中旌

董氏邵陽人夏寅妻寅舉鄉試卒時董年二十無子妾  
劉氏年十八腹生子同心撫之成立以壽終

楊氏武岡人李祿妻祿為諸生楊歸甫八月祿病籲天  
割股比股楊年十九矢心以守有司歲以官租贍之  
王氏衡陽人朱衡妻宣德中衡舉進士卒于京王年二  
十五剪髮斂棺中誓死堅守

梁氏蔣志泰妻衡山人年二十適蔣生一子甫七月泰  
卒家貧守節事姑盡禮天順初旌

張氏武陵人林德成妻夫亡斷指自誓守節宣德中旌

孫氏龍陽人史源齊妻年二十五而寡誓死守節宣德  
中旌

史氏龍陽人袁奎妻年二十二守節貧甚紡績養姑撫  
幼成立成化中旌

梅氏龍陽人伍景妻梅十八適景明年景卒又明年姑  
舅俱亡梅父憐其少且貧欲改嫁之梅守節不變成  
化中旌

王氏龍陽人曾義妻年十九義卒遺腹三月生子撫孤  
屬節隆慶二年旌

廉氏諸生熊富秋妻龍陽人年二十秋卒廉甘貧矢志  
奉姑終餘年撫子成立隆慶中旌

張氏字妙真上元人辰州衛指揮舍人王泰妻泰未襲  
廕卒張年十九生子英始逾歲剪髮自誓事舅姑甚  
謹成化三年旌後子英以軍功累官至都指揮使詔  
封夫人

陳氏張弘道妻沅人無子堅志守節洪武中旌

賈氏潘耀卿妻沅陵人為諸生正德中挈賈省父于南  
京至湖口卿卒賈即赴水女奴持之既見舅姑入室

自縊以救免自是減食凡四十餘日絕食者累日竟  
自刎應天尹以事聞受旌

陳氏馬祥妻沅人夫亡時年十九子在襁褓有武臣以  
媒通欲娶之陳痛哭諾媒誓死無他志撫子成立嘉  
靖中旌

郝氏祁陽張伯通妻年十七歸伯通不五載夫歿誓不  
再醮其舅姑繼歿無伯叔子嗣依父家守節四十九  
年貞潔無瑕洪武十六年旌

尚氏零陵人鄧璉妻年十九璉故孀居六十四年絕無

經三 廣通三  
瑕玷正德中旌表

成氏祁陽蔣克恭妻恭卒氏年二十三誓死守孤有司以聞旌之

曹氏東安林德賓妻年二十四夫故矢志撫孤踰九十嘉靖改元 賜采帛

向氏本朝靖州衛軍陳均保之妻年及笄歸陳不半年均保以疾卒向哀毀既殯恐父母奪其志遂自經事聞旌表

薛氏靖州衛武生蔣頴妻年二十二其夫領湖廣已外

科鄉試赴京溺死于途薛聞訃悲號竟日自經而死天順聞旌

劉氏陳雋妻靖州人雋任指揮同知陣亡劉以節聞成化中旌

方氏王志妻靖州人嘉靖八年方年二十五志卒守節五十餘年隆慶六年旌

陶氏史斌妻靖州衛人年二十一夫亡守節被旌

陳氏黃流妻靖州人年二十一夫亡撫幼子以守節被旌



柳州

鄧氏桂陽朱守良妻弘治中有強賊毆執欲強陵之鄧呼天罵賊不屈而死

李氏興寧何冲孚妻嘉靖中從寇逼之罵賊見殺  
文璋妻宋氏柳人年三十而寡撫子悅娶黃氏亦寡無子家貧姑婦相守世稱雙節

周氏施州衛陳瀛妻陳為監生卒周年二十二無子父母不能奪以節終身

四川

蹇氏叙州慶符人王伯英妻洪武初夫死時年二十舅姑以其無子早寡欲嫁之蹇以死自誓守節終身旌曰貞節

袁氏龍安人嚴庸妻事舅姑孝姑疾侍湯藥永樂間庸補州學生因歸省墜輿文棧道溺死袁年十八亟趨夫溺處尋死不見大哭亦投水死兩月不得屍後漁人於沙回頭河得二屍同處人以為節義所感事聞之哭泣不食極至自經死旌曰貞烈

福建

續文獻通考

卷之七十八

十六

林以德妻長樂人姓王氏年二十三而孀養老姑守幼子無二志後子亦夭婦戴氏同守節洪武中受旌

王氏福清人御史郝孟妻孟死于非命王自經以殉水樂間旌

曾縉妻趙氏古田人縉卒趙不用醮姑病常刲股以療正統間旌

楊和生妻王氏閩縣人和生卒王年二十八子永幼家窘守志愈勵後永登進士拜御史王受旌

陳啓妻潘氏閩縣人年二十九啓卒勵志守節教子傳

舉進士為刑科給事受旌

劉氏閩縣人李岳妻岳卒劉年二十八撫子成立終始一節受旌

林睿妻黃氏閩縣人孀居二十九年孝事舅姑撫男女各成立事聞旌表

許氏梅同安人本朝宣德中適宋隱山子夫得痼疾梅奉之恬然夫死誓不二事姑愈孝父憐其少逼之他適臨遣梅投水死

張氏高補千戶孫榮妻榮卒張年二十四姑與兄強之

再適陽諾之至夕自縊死

魯氏晉江人適莊允祥祥卒以死自誓育子成家受旌  
朱氏泉州衛指揮僉事張盛妻歸一年而盛卒甫十七  
遺腹六月生子昱奉事盛母及祖母俱紡績以供既  
卒躬治三喪撫史之三弟乃家益窘抱子昱依外祖  
蔣氏以居外祖母欲奪其志朱竊入室自經家人  
覺而解之良久方甦自是人不敢言後昱襲官朱垂  
老雖親戚罕見其面事聞旌表

林氏晉江人適沈天從生子智宗三歲而既卒家貧養

姑志益厲事聞旌之

莊氏南安人適黃欽祥五年祥卒莊恐人奪其志蓬頭  
垢面絕外事撫二子長厥初十九而天坎厥仲娶陳  
生孫密未踰月仲亦夭婦姑相依以守俱受旌

林氏安溪人適邑庠生詹璉生子清方在襁褓而璉卒  
遺腹子源方五月矢志自守撫子源登第官副使受  
旌

蔡氏晉江人蔡虛齋妹適南安王逸逸總邑賦赴部沒  
于途蔡年二十五僅一子尚幼屏膏沐茹淡苦熬居

三十餘年子成立且見諸孫受旌

徐妙善永寧衛人年十八適百戶梁福福以襲官卒于途徐年二十一斷髮誓不再醮勤針指養祖母王王歿殯葬如禮守節五十年

許氏同安人生員洪伯大妻數年無子勸伯大娶妾陳生二子伯大遺疾許水漿不入口數日泣誓曰君不起妾寧獨生及卒許為斂畢收遺書付陳囑以善撫幼穉陳初不覺許遂潛入臥內自縊而死

林氏惠安何伯瑾妻瑾死林二十四撫子公陽成立公陽又死無子守至七十餘歲受旌

林氏惠安人湖州通判志政繼室生一女而政卒林方二十二撫前妻之子尤有恩及資送已女不與前妻女等孀居四十餘年始終無玷

成氏永春人顏兆榮妻嘉靖元年流賊掠境榮隨民兵禦之盛攜子女避空林為賊所獲不從遇害養女陳珠年十五亦不受賊污賊殺之邑侯為殯葬

林氏補城人張伯成妻年二十而寡孤幼弱遭世亂舅姪繼沒乃携子女依其兄十餘年洪武間始寧居

紹復先業年八十餘卒鄉人謂婦道毋儀無愧古  
人

劉氏建陽人年十八適熊剛中逾年中卒以死自誓求  
夫之猶子為後洪武中旌

朱氏建陽人文公七世孫女適劉潭生子三歲潭卒矢  
心不二有司奏乞旌異

章氏建安人魏壽孫之妻年二十八夫亡生一子守  
志四十餘年宣德間旌

黃氏崇安人鄧文燮妻年二十八燮卒男仕濂生始九

月黃抱泣曰是兒長成繼宗祀可無憾矣弟欲迎  
歸亦不往撫仕濂為邑庠生受旌

周氏建安楊仕儀妻兵部員外周炫女踰年而寡遺腹  
生子撫教登進士弘治中旌

張氏建安人適楊士倫倫遭疾張百方求禱剗股肉和  
粥以進疾瘳復作不可治比卒悲慟幾絕誓不二  
志撫二子皆成立

倪氏政和陳受榮妻古田寇掠縣境虜其夫倪不受辱  
投溪水而死

張氏尤溪人彭積妻洪武中積溺死張年十七誓不二志舅姑欲奪之投水而死

蕭貢才妻顏氏順昌人二十七夫亡撫子守節終其洪武間旌

林茂正莆田王崇貢妻夫亡年二十二子稜方二歲教成為高唐州訓導守志四十餘年受旌

鄭淑慎莆田莊季妻季亡鄭二十五紡績養姑守節終身與妹淑潔同聞于朝俱受旌

鄭淑清莆田周則用妻夫亡年二十二無子以夫之兄子

越為嗣越亦夭孫軫方九歲教之薦于鄉鄭年八十二猶及見焉 詔褒之

陳淑慧柳廷茂妻年二十五夫亡子六歲與其夫之叔母林孟貞弟婦林玉清皆妙年守志不逾人號柳氏三貞節

林氏莆田黃子厚妻年二十六而寡遺腹子季興教之補庠生成化己亥旌

王氏仙遊人適張琳年十七琳卒子烟甫三年姑季氏患風疾王養姑育子不二其心孀居四十餘年閨

門蕭如成化己亥旌

楊靖娥莆田顧文嘉妻礼部員外英之女年二十五夫亡無子厲志守孀斷髮自誓成化甲旌

吳淑貞年二十二歲歸黃大廣閩月廣亡斷髮矢志遺腹子宜補郡庠生受旌

余淑玉吳師舜妻年二十一夫亡父母不能奪矢志事姑莖如禮成化丙旌

丘氏邵武陳文清妻永樂初隨文清徙戍福州文清病卒丘年十七生子永宗方四日遂歸莖矢志不用

適後永宗以國子生為縣令事聞受旌

鄧氏泰寧人適李祥正統中避寇為所執欲犯之紹曰吾從汝須就崖穴隱僻處及崖間奮身即投下賊亦援而下俱死焉

趙氏泰寧人適陳顯生二子紡績以養舅姑孀居六十餘年成化初旌

徐氏二婦建寧人一王氏徐存妻一江氏徐忠妻正統間同避寇千里之掃帚寨賊至王抱女投崖江繼之俱死惟江子福照懸崖樹得不死賊退收二屍歸

葬

江氏泰寧鄧勝達妻年二十六而寡生一女尚幼以死自誓終其身成化四年旌

應氏建寧人歸丘伯春年二十夫卒貌天願同死自殺池中鄰婦援出之氣息奄奄忽斷左手中指置夫懷中既葬旦夕慟哭未幾亦卒與夫合葬

雍氏長泰人黃伯英妻年二十七夫亡守節終身嘗携幼子負豆至水濱置磨磨之有廖姓者奪其磨雍氏貌天席為不轉廖怒馬還之洪武中旌

陳氏龍溪人李德淵妻父母兄弟俱夭獨依千嫂十六適德淵即寡誓不他適三喪在堂辛苦萬狀終襄大事孀居三十五年不玷洪武丁丑旌

黃妙觀龍溪蔡安繼室安拜潮陽令便道還家時陳有定兵陷漳被擒不還黃年二十七誓守節洪武末旌

連新玉龍巖張玉一妻二十二寡養姑莊氏易暴而慈終身無他宣德中旌

楊氏漳浦人適李夫亡義不再適正統間賊亂被執



至南馬場罵不絕口賊手必之

林淑瑤龍溪莊同妻同願景泰癸酉鄉薦會試卒于途瑤年二十五子弼周歲舅姑有季文贅婿于家偏愛之逼瑤他適且奪其子乳于他人又雷使獨爨飲苦二十餘年後季女及婿暴亡無後舅姑相繼亡瑤母子乃即安壽八十有五

黃坤貞南鄭林輝祥妻二十二夫亡撫子惟聰官至推官坎惟惠亦成五年七十終始一節成化中旌

林氏龍溪鄭景政妻年二十五寡子允中後領鄉薦

守六十六年無玷正德二年旌

徐雙節章浦人姑林氏歸舉人徐輔越八年北上道卒生子藻七歲林飲痛撫育娶婦周氏年十八六載而藻又亡孫棟方三歲林周貞志相守姑慈婦孝嘉靖四年旌

鄭氏龍溪顏波妻年二十四寡舅姑繼歿門有五喪鄭變產葬之年七十餘節操不改嘉靖十四年旌

黃相璋浦人年二十一適鄭承惠早寡籲天欲以死從七日後潛自縊死嘉靖中旌

陳氏漳浦陳德昌文通康起鳴一月夫亡陳潛入寢室  
自縊而死嘉靖二十一年旌

蔡貞烈鎮海衛人歸儒士郭道膏夫歿入寢室自縊表  
曰貞烈

許氏漳浦沈同訓妻三月而寡即托疾閉室服衰絰自  
縊死嘉靖二十八年旌

權氏泉州衛世襲百戶鄧炳妻十九歲炳故甘貧撫  
孤守節四十八載學道方應選題旌

俞氏權之孫鄧銓妻歸五年而銓歿于處賊撫孤中溥

中溥淵成立守節三十一載學道方應選題旌

林氏鄧中溥妻年二十六溥卒于官水漿不入口者二  
十日而死學道方應選題旌

蔡氏鄧華清妻歸未一年清故剪髮斷衿納柩中遂  
絕粒七日而死學道方應選題旌

陳氏莆田縣民吳玉器妻年二十六器故矢志守節紡  
績塋夫及翁姑壽一百一學道方應選題旌

黃氏吳天與妻年二十三歲夫亡割股以愈姑疾守  
節四十九年學道方應選題旌

鄭氏莆田縣民林承芳妻嘉靖四十年被倭與夫同  
掠夫遇害氏號泣罵賊賊怒割其耳鼻倒地舍之  
賊去復甦孑然無依苦守四十年學道方應選題旌  
蔡氏南安縣生員傅廷雅妻歸二年夫故內銀外侮  
拮据萬狀課子入泮守節四十六年學道方應選  
題旌  
張雲娘浦城縣民徐珊妻歸一年珊故有富人黃淵  
圖娶之張閉戶自縊姑饒氏毀牖入救得免年七  
十八而終學道方應選題旌

危氏邵武縣人謝源貴妻年二十九夫故抱宗子為嗣  
孀居四十一年學道方應選題旌

王氏福州學生員馮謹妾年二十四謹故茹苦矢守  
五十七年學道方應選題旌

林氏政和縣民范灼妻十八歲歸灼未幾夫故守節十  
二年倭陷城被執罵拒甚堅延頸就斃死時同難人吳  
加諾連文政親見咸為墮淚學道方應選題旌

陳永娘莆田縣民許有妻年十八歸有容因夫病瘵未  
婚不二十日夫故即自經賴姑救免守節二十三年

父母勸更適遂縊死學道方應選題旌

陳二娘龍溪縣民王從彝妻歸七日而夫病十六日而夫死扃戶自縊學道方應選題旌

李八姑壽寧縣民周審妻歸三月夫故當日沐浴自縊與審合葬學道方應選題旌

陳莊卿侯官縣民陳蕪女許配周大樂年十八未婚而夫亡哀毀奔喪自誓守節學道方應選題旌

廣東

張氏瓊山縣舉人王柏林妻柏林死誓死堅守隆慶五

年旌

萬氏南海人王受祖妻洪武中蘇友輕作亂萬為官軍所獲獻于衛指揮盧諸諸愛其才美欲納之萬號泣投衣于火諸怒以及試之萬唾罵不輟就死于南門外聞者流涕

劉氏番禺縣儒士李天錫妻錫死守節無議隆慶四年旌

廣西

龍氏藤縣人夫王克讓以疾卒龍紡績奉養舅姑舅

卒殞葬以礼姑憐其少欲更嫁之龍曰既為王氏婦  
豈可再適他人誓以死守永樂間旌

貴州

楊氏鎮寧州十二營長官司楚人 本朝洪武中安  
陸侯吳復妻未幾復卒哀痛切至明日於靈几後自  
縊事聞贈貞烈淑人仍于父家旌表

朱氏貴州前衛生員林之桂妻之桂早亡朱氏誓死  
堅守終身隆慶二年旌

陳氏威清縣生員曾松妻松亡陳守節無玷隆慶五

年有司以聞受旌

續文獻通考卷之七十八終

續文獻通考卷之七十九

皇明進士雲間王圻纂輯

節義考 貞女順孫孝女孝婦

貞女

春秋衛宣夫人齊侯之女嫁于衛至城門而衛君死休  
母曰可以還矣女不聽遂入持三年之喪畢弟立請  
曰衛小國也不容二庖請願同庖終不聽衛君愬于  
齊使人告女女亦不聽乃賦我心匪石之詩以自

誓

晉

靳康女美姿容有志操劉曜誅靳氏將納女為妻  
靳曰陛下既滅其父母兄弟復何用妾為妾聞逆人  
之誅也尚汚宮伐樹而况其子女乎因號泣請死曜  
哀之免康一子

尹虞二女長沙人並有國色虞嘗為始興太守至是杜  
陵至長沙掠其二女將妻之女曰我父二千石終不  
為賊作婦有死而已遂自殺

北魏

涇州貞女倪氏許嫁彭老生為妻幣聘既畢

未及成禮倪氏居貧常自舂汲以養父母老生輒往  
逼之女曰與君聘命雖畢二門多故未及相見何由  
不稟父母檀見凌辱若苟行非礼政可身死耳遂  
不肯從老生怒而殺之太和七年有司劾老生以死  
罪尋有詔標女墓號曰貞女

隋

杜氏二貞女仙居人大業末二女夜躍嵩陽餅甫  
筭喪父母庖人挑之二女憤激殺庖人去隱孟溪會  
溪溢俱死

唐

竇氏伯仲二女奉天人永泰中群盜剽掠其村落二女俱有容色為賊所獲驅之前二女相繼投崖死京兆尹第五琦嘉二女之貞烈奏旌表其冢永蠲其家丁役

河北貞女五代時為梁將所俘不敢犯反卒葬于縣北魏貞女墓後漢王仁裕為撰墓碑

石氏二女長名月華次名雪英羅源人涉獵書史父母俱早喪五代時處州青巾賊起二女皆妙年有姿色被俘偶行臨深淵月華曰我誓言不受辱遂投之

而死雪英亦繼焉

何氏女江陰人為江賊所掠厲聲罵賊赴水死邑人義之為立祠

宋

露筋女高郵人不知何姓氏舊傳與嫂夜行時天陰蚊盛有耕夫田舍在焉其嫂止宿女曰吾寧就死不  
可失節遂被蚊囓死其筋見焉後人立廟祠之米芾作碑記

龔氏二女慎儀女也開寶初慎儀以不從盧絳之亂



舉家遇害獨二女被虜以行至縣之王堂香巖寺  
絳恣飲以二女幼不防其二女遂縊于寺後之小阜  
後人名其死所曰烈女臺

郝節娥嘉州娼家女五歲母賣良家始笄奪歸欲世  
其娼娥曰組織可以給母願終為良母因祠蚕叢時  
先令邑少年具酒乃與娥徐往娥見之倉皇驚走母  
挽掙不使去強飲之則嘔噦滿地少年終不得犯暮  
歸投江而死鄉人號節娥

程淑清女歛人時方臘寇女年十七遇賊賊善誘之女  
奮罵不屈賊斷其髻女罵不已遂遇害

杜氏女金華人年二十未擇配宣和間里有悍賊謁杜  
門大言曰以女遺我否即族矣舉家驚為泣因密諭其  
女女即應曰捨一女寬一家曷為不可少須我浴更衣  
衣以出遂趨浴具賊相懽笑以俟女浴畢咸飾登几  
而立繫帛于梁縊死母惶遽號叫屋瓦皆鳴賊驚  
駭相視舍去

師驥二女眉山人驥仕為石正言靖康中避亂還蜀至  
唐州方城驥二女為賊朱顯忠所執欲污之伯罵

曰宜速殺我我仲抱其姊亦助而罵賊并害之士  
人收葬號曰正女伯女乃范孝純妻也

徐氏崇仁田家女建炎初王世雄叛犯崇仁徐年甫笄  
有容色賊得之抗聲大罵剗剔鬻割而死

董氏女沂州勝縣人許適劉氏子建炎中為盜李昱  
所執悅其色欲亂之女不為屈遂斷其首劉氏子大  
慟收葬之為立祠以祀

晏氏女丞相殊之曾孫建炎間金虜至楊父孝廣為尉  
死難女年十五有美色虜得欲妻之女即延頸求

死虜殺之

舒氏二女玉山人紹興間值苗傳亂被執二女行至崖  
側俱投而死

李氏顯忠族妹顯忠南奔家屬悉遇害李氏國色也  
金人欲私之不從乃縛樹下命左右射其臍罵賊不  
已而死

張氏女嘉定中強寇蔡六剽掠鄉邑獲女欲犯之不  
屈而死潭師題其墓曰烈女張氏之墓

樂氏二女南豐人父以賣菜果為業紹定初寇入境

掠二女悅而逼之俱不從一赴水一見殺

葉氏二女泰寧人紹定己丑寇犯邑二女與嫂義不

受辱迺以衣裙相結投溪而死邑人鄒應博為立祠

額曰葉氏三烈

徐氏二女建德人長清次淳年及笄元兵下嚴州父師

顏携避薛山父適出而寇奄至清謂淳曰吾家世

清白寧死不受汚辱遂相率投崖而死鄉人為之

立廟學士程鉅夫賦詩美之

林老女永春人年及笄未婚紹定庚寅夏寇犯邑人

山以避卒遇掠欲淫之不從度下脫絰曰有金帛

埋于家同歸取之甫入門大呼曰吾寧死于家决不

辱于賊賊怒殺之越三日面如生

鄭氏女名貞福寧人貞少端莊不妄言動未笄許嫁

里人林森德祐元年貞年十八元兵南下亮徒四起

俘掠鄉邑一日忽寇至貞獨居一室懼其汙已取

剃刀自刎而死

陳氏女婺州人年十九美姿容有盜執之植曰及於

女傍曰從我為婦否則頸血染此鋒女厲聲請受刃

盜因殺之頭墮地轉動血逆流面如生怒目不瞑于  
是浮雲晝暝白日無光狂風震林木

遼 耶律氏太師適魯之妹小字常哥幼與秀相成  
及長自誓不嫁咸雍間作文述時政上稱善後隨  
兄魯哥謫鎮州常蔬食布衣人問何自苦如此對  
曰皇儲無罪遭廢我輩豈可美食安寢及太子被  
害不勝哀痛年七十卒于家

元

王氏女名安哥偃師人天曆間從父避兵邙山丁家洞

兵搜得之見安哥色美驅使出欲汙之安哥不從  
遂投洞死有司言狀表其廬

揭貞女廣昌人至元丁丑之亂為邏卒所得悅其貌  
其言誘之罵聲不絕遂受刃而死

王妙璘海康王谷菜女年及笄有姿色至元間僮蠻  
寇雷州執妙璘將犯之妙璘誓不受辱乘間投水  
死有司嘉其貞烈立石志之

趙氏二女江陰由里山民二女頗姝麗至正壬辰冬廣  
德寇剽掠園郡長女抗節自縊至十五年四方盜

趙次女亦縊死鄉人王逢賦雙珠詞以哀之

李氏女名順兒許州人父讓儒士順兒性聰慧頗涉經傳年十八未嫁至正中賊陷鈞州其父母憂曰此女必累我女聞之泣曰父母可自逃難勿以我為憂須臾于後園自縊死

趙恭女官奴晉州人年十七見恭與父弘毅俱死國難方大泣適隣媪數輩來相率出避曰我未適人避將安之媪欲力挽之曰人生世間便百歲亦須一死乃潛入中堂解衣帶自縊死

錢氏二女嘉興人錢子順之二妹至正末紅巾賊至相與結裙投河內死賊驚舍去其後子順妻俞氏亦守節得旌鄉人稱其家二貞一節

韓氏二女文昌韓良可女長年十八次年十六俱美姿色至正中鄉民搆亂母兄俱死二女避草莽中姊顧其妹曰寇至且逼吾寧死不受辱妹曰姊誓不生我焉往乃携手赴水死

唐丑妹瓊山唐伯壽女也至正甲辱陳子珣寇乾寧丑妹及從小妹被獲載舟中丑妹時年十八結

賊曰乞釋我縛永以相從賊信之解其縛急赴水  
死小妹乃得歸

劉貞女名懿文新淦人及笄父許婚趙國祥子未嫁  
夫卒父將他適文曰曩許趙氏義不可再投井死  
胡氏女年色方盛賊攻城時胡預剪髮自毀及城陷果  
為徐先鋒所獲劫令共騎而出胡號泣不從徐抱愈  
急胡嚙徐指斷徐怒殺之

林娥古田儒家女也時邑有建寇之警言民皆避地山間  
娥為強暴所迫露刃臨之欲加刃辱娥毅然不屈遂

### 遇害

張氏女高郵人元末兵亂賊知女有姿艷叩其家索  
之女聞賊將害其父母乃出拜賊即伏地拜其父母  
而以女行女忻然從之過河橋投水死

朱四女平湖朱柄少女年十六許姚氏未及笄柄卒  
無子女依寡母盡孝養惡比丘鍾乃其姊夫謀欲  
私之強附同居數挑以言女即大聲詈罵痛哭于庭  
自嘆無父之女為人所凌如此至夜縊死父極之  
傍

周如砥女如砥為新昌典史女年十九未適人至中  
鄉民作亂如砥與女避于客僧巖女被執賊曰吾未  
娶當以汝為妻女曰我周典史女即死豈能從汝耶  
賊遂殺之

紀氏女名催弟宣城人紀吉甫之女及笄未適人元末  
長隲軍陷城為所虜催弟以首觸墻曰寧死于此  
遂見殺其同縣胡氏女亦被虜不從而死

皇明

黃氏女名千金潛山人許嫁張生大中未嫁而大中卒

父欲改議千金曰天有二日乎父卒事母孝邑中有  
求聘者毋許之千金再拜而起伏父木主前號泣  
以簪刺目逾三月而卒時年十九旌之

竇氏女丹徒人父母俱亡許嫁之人乃家舊僕也成婚  
日始識之遂投井死郡守義之為立石于峯鑿山前  
以旌之

程烈女婺源人已嫁歸寧里有強暴欲私其母女大罵  
強暴恚毆殺之復以危言懼其母令勿洩時郡廳前夜  
有聞悲號如怨訴者太守孫遇疑之未幾御史行郡

詢其畧令遇鞠治強暴伏罪乃為文以祭之

黃善聰成化中南京淮清橋女子年十二失母有姊已適人其父販線香為業往來廬鳳間憐其幼且無母不可寄食於姊乃令為男服攜之旅遊者數年後父死於客文詭姓名為張勝有李英自故鄉來亦販賣線香勝遂與結為火伴同寢食踰年恆稱病不脫衣襪瘦弱必以夜弘治辛亥正月乃與英偕還南京時己年二十突然戴冠往見其姊姊謂我本無弟惟一女弟隨父在外耳胡為來乃笑曰我即善聰也

泣語之故姊惡之曰男女同處何以自明汝辱我家矣因拒不納善聰不勝其憤謂曰妹此身要分明苟有污死未晚也姊亟求穩妻視之果處子始返初服明日英來候善聰出見英大驚愕遂歸怏怏如有所失飲食頓減曰無憂也以英猶未娶且年相方為求婚善聰執不從曰此身若竟歸英人其謂我何隣里強之竟不肯事聞三廠皆驚焉異遂勒為夫婦人有歌之者以為木蘭復見于今

凌氏女高淳人父許聘里人至純姪早卒純慕其色謀為



妾父欲許之女覺即自縊死救之得免誓不適人年六十卒成化間旌表

趙氏寧遠趙龍之女為賊所執欲犯之大罵曰我身如玉可碎不可污也賊奴我有死而已賊怒殺之

蕭氏河內峽州人父母以貧流徙上律成化七年官軍逐流民流民中強梁者見女姿色詐稱官軍執而繫之

五顯廟聲言欲以為妻蕭氏自度不免自縊于神香案前時年十九都御史王信奏聞旌表

倪氏歸安人許聘陳陳徙征不返遙以死聞倪守志不

嫁踰五十年而陳歸竟成婚姻之禮俱年六十歲有奇世號白髮新婚

陳貞淑撫州陳璧之女七歲能誦詩鼓琴陳友諒寇隆興淑貞取琴鼓之曲終泣然流涕曰吾絕弦于斯

乎父母恠問之曰城陷必遭辱不如早死明日賊至遂投東湖死之時同郡李宗願妻夏氏亦以賊至投井死

劉氏二女江西龍興人長曰貞年十九次曰孫年十七皆未許嫁陳友諒寇至母泣曰城或破置汝何所二女曰寧

死不辱父母城陷二女登樓自縊

高烈女寧縣人年十七有美色盜起匿巖穴中盜詰其弟得之高曰我在室女未受父母命豈可擅事人盜甘言誘之再三高曰吾寧死不屈盜強之高大骂不服及提刀欲殺高浙然受刃遂遇害

葉貞女名兆悅南昌人聘新建李光庭未娶而光庭卒女年十三先期夢光庭騎白馬衣素入其室相携補綴覺以告媪母越數日訃聞傷之誓不改節父母憐其幼強為轉聘女聞之即于密室衣裝自縊而死

易妹貞聘儀賓子楊鏗未婚鏗卒妹貞聞訃墜樓幾死誓不用夫奔吊楊氏舟至河索夫神主成親迎礼用小竹箬抱主人柩前行合卺礼朝夕哭奠及暮年夜焚香畢自縊于夫柩前事聞旌表

張烈女名桂秀浮梁小民張啓明女有殊色聘凌氏子凌日貧落女父母欲解盟會祁門少年鄭天祐以星術止其家未有室父母私許以女妻之懼女素剛不可動乃俱佯出屬天祐逼近女覺繼天祐曰俟沐浴以從浴竟執父所業打綿槌奮擊天祐中其額昏眩

外地女自縊死

張烈氏文字玉蘭歸德衛人指揮全之女正德中賊破邳王  
蘭為賊所執欲犯之不屈乃裂其屍旌曰烈女

張祿女永城人正德中賊陷邳女投井死賊怒出其屍縊  
於市旌曰貞烈

熊烈女名貴真高安熊奇雅之女年十八為華林賊所執  
女投河以死事聞正德初旌表

胡烈女貴真樂平人父母生欲不舉隣曾母陳氏鞠為養  
子天福配同乳之甫長天福父母與陳繼亡家益窶落

女父欲奪為富家配女曰我鞠於曾氏婦於曾氏分  
姑媳恩母子豈可以饑寒去仍死依從姑以居雖單  
舍單淺外未嘗識其面正德丁丑女兄乘其未婚推  
曳以歸出示求聘者金銀并歸卜日以行女知不可免  
潛浴更衣入房縊死時年十八邑大夫張文應禮葬之以  
事聞

張玘女名仙貞繁昌人正德七年流賊剽掠仙貞年十七  
以護母疾不走群盜劫之去至江潯抱樹哭義不受辱  
賊不能奪乃眾磔之

俞氏孝綉年十八湖口俞志通女家貧未受聘正德七年  
流賊劫縣女與隣婦俱被虜至舟賊欲污之女獨  
投河而死

其清秀星子人其孟珊女年十五正德間值逆濠變賊  
入境清秀隨母逃避賊擄其母清秀義不辱即投  
玉京潭而死賊退屍浮水如生里人收葬於山前

楊氏女名桃兒鹿邑人嘉靖元年賊至境桃兒年十六從  
兄世威避之過賊被執逼令上馬不從且厲罵不絕  
賊怒殺之兄亦被害受旌

張氏安陸人許聘朱北未娶北死女自縊以殉嘉靖六  
年旌

熊氏女許聘劉康未歸而康卒女往哭之觸柱而死事  
聞旌表仍復其家

雙貞女不知其姓盱眙何雄育為己女正德辛未歲隣雄  
欲鬻于娼以賈厚利女知之一夕以巾懸兩臂投淮  
河而死嘉靖十年 詔立廟祀之 賜額雙貞

汪氏女婺源人許配邑人葉天彙未歸而天彙卒女聞  
訃即易服往夫家誓死不二嘉靖十二年旌表

姚貞女孝感縣庠生姚禎之女聘鄭一德未笄而一德卒即痛哭欲躬視衾殮其家不從潛取鼠藥自噎母覺急灌以水得甦屢自縊皆以防護不遂然兩目霍然已血漬矣竟往會墓盤礴墓間悲號不休草土為濕自是歸翁姑稿容蓬首足不出閭外十有五載如一日始鄰媪解之曰汝未醮何苦執婦義女曰義自盟始即未醮將路人其夫耶如媪言何用盟為里以聞于當道核得實廉其相曰貞邑侯蔣公以化為立傳

溫州樂清章文寶聘金氏未成婚納妾包氏有娠而文寶得疾且死金氏聞請往祝父母不許金氏為棺斂之撫妾生子綸親課讀書通四書大義後遣就外傳竟第正統元年進士官禮部主事先欲疏請復儲恐貽母憂未果金氏聞之謂曰吾平日教爾何為汝能諫死職我雖為官婢無恨也綸遂以疏入忤旨杖幾死禁錮詔獄金氏怡然天順二年綸復官終養金氏嘗自為詩見志詩曰誰云妾無夫妾猶及見夫方殂誰云妾無子側室生兒與夫似兒讀書妾辟蠶空

房夜夜聞啼鳥兒能成名妻不嫁良人瞑目黃泉  
下後綸官至禮侍

順孫 附義姪

東漢 虞詡陳國武平人早孤孝養祖母縣舉順孫國

相奇之欲以為吏詡稱曰祖母九十非詡不養相乃止位

至尚書令

晉

李密字令伯犍為武陽人父早亡母何氏改醮密時年  
數歲感戀彌至遂以成疾祖母劉氏躬自搗養密奉

侍以孝謹聞劉氏有疾則涕泣侍側未嘗解衣飲膳  
湯藥必先嘗後晉武帝泰始初徵為太子洗馬密以祖  
母年高無人奉養乃上表陳情遂傳召

孔愉會稽人年十三而孤事祖母以孝聞

應詹字思遠南頓人璉之曾孫幼孤為祖母所養年十  
餘歲祖母又終居喪毀頓杖而後起遂以孝聞九  
帝時位平南將軍

劉殷字長盛新興人七歲喪父哀毀過禮曾祖母王氏  
感冬思芹而不言食不飽者旬矣殷知其故時年九

歲乃於澤中慟哭聲不絕者半月忽若有人云止殷止  
聲收淚視地復有芹生因得斛餘而歸食至時芹生  
乃盡又嘗夜夢人謂之曰西籬下有粟窟而掘之得  
粟十五鐘銘曰七年粟百石以賜孝子劉殷自是食之  
七歲方盡妻張氏事王氏以孝聞及王卒夫婦哀毀  
幾至泐性有二白鳩巢其庭樹太傅楊駿表其行於  
朝勅有司供其衣食蠲其徭賦賜帛二百疋穀五斛  
許昭先義與人叔父肇之坐事繫獄七年不判子姪二  
十餘人昭先家最貧薄專獨科許無日在家餉饋

肇之莫非珍新家產既盡賣宅以充之肇之諸子倦  
息昭先無有懈息如是七載尚書沈寅嘉其操行肇  
之由此得釋

南齊 江敷字叔文濟陽考城人為中書郎庶祖母  
王氏老疾數視膳嘗葺七十餘日不解衣每以侍養  
陳請太祖即位敷以臺閣之職永廢溫清啓乞自解

梁

宗元卿字希蔣南陽人有至行早孤為祖母所養祖母  
病元卿在遠輒心痛即奔還救之大病則大痛小病則

小痛以此為常鄉里崇事之號曰宗會子

裴子野聞喜人生而孤為祖母所養年九歲祖母亡泣血三年哀動家人

陳 謝貞字元正陳郡人南之子也幼有至性祖母阮氏先苦風眩每發便一二日不能飲食貞時年七歲祖母不食貞亦不食徃徃如此十四丁父艱號頓于地絕而復蘇初貞在周與母相隔晝夜涕泣天建五年因遣歸國未幾母卒哀毀羸瘠竟以是卒

北魏

辛少雍狄道人有孝行尤為祖父紹先所愛紹先嗜羊肝常呼少雍共食及紹先卒少雍終身不食羊肝文愛汝郡山陽人早孤供養伯父母以孝謹聞伯父亡服未終伯母又亡文愛持服六年哀毀骨立鄉人魏仲賢等相與標其孝義

周

張元字孝始河北芮城人年十六祖喪明三年元嘗憂泣晝夜誦經禮佛以祈福祐嘗誦藥師經見盲者得視之言遂請七僧燃七燈七日夜夢見一老翁以金鏡



療其左目夢中喜躍居三日祖目果明其後祖卧席用  
周元恆隨祖所食多少衣冠不解旦夕扶持及祖沒  
號慟絕而復蘇水漿不入口三日鄉里咸嘆之共以狀聞  
有詔表其門閭

盧柔字子剛清河人少孤為叔母所養撫視如子柔盡  
心溫清亦同己親

唐

劉審禮刑部尚書德威之子少喪母為祖母元氏所養隋  
末天下亂審禮負元氏渡江避之及天下定始西入長

安元氏若有疾審禮必親嘗湯藥元氏謂諸孫曰我  
兒孝順貫徹幽顯吾一顧念宿疾頓輕貞觀中歷  
左驍衛郎將丁父憂去職及葬跣足隨車流血灑地  
行路禡之父歿雖義猶悲慕不已每見父時察舊必  
嗚咽流涕母鄭氏早亡事繼母平壽縣主又以孝聞  
縣主稍有疾輒憂懼形於容色朝夕不寐撫繼母  
弟延景友愛甚篤所得俸皆送母處以資延景  
之費而審禮妻子自處饑寒晏然未嘗介意  
殷踐猷字伯起長平人玄宗時麗正殿學士以叔父喪慟

經文獻通考  
嘔血而卒子寅病且死以母蕭老不忍訣及殮其子高  
斷指剪髮置棺中誓事祖母如父在後侍蕭不脫  
衣者數年有白燕巢其楣

王瞿曇華州人事親以孝聞葬祖父母及伯父皆負土  
成墳三年乃畢母終亦如之晝夜悲號哀感行路頭  
髮盡落形體枯悴墓門三年不掩常寢于棺側服  
終之後仍不離墓焉

田伯明涇陽人少孤伯母劉氏撫育及卒伯明廬于墓  
側負土成墳齋居蔬食

談英曲陽人大中六年居祖喪被髮跣足廬于墓側晨  
夜哀繞郡守奏聞方有勅降而卒

宋

林願壽字褒世晉江人祖母楊氏病背瘍潰爛徑數寸  
願舂日敗膿在中寢側旁肉若枚拭則不堪痛楚乃  
俟其熟寐潛砥去傳藥而愈廬父墓有芝產之瑞  
事繼母彌謹繼母卒廬墓有白鵲數十往來廬上  
人以為孝感

上官損字益之恢從曾孫少孤事祖母以孝聞

戚同文涇縣人幼孤養祖母以孝聞

唐傑東安人生兩歲繼祖母蔣氏病目失明傑以舌舐之目  
輒有見劇賊孔彥舟犯邑傑獲泣負蔣冒賊以出賊  
義而捨之母病割肉和藥以進即愈父亡以舌舐屍廬  
墓哀震林谷紹興間郡守以聞詔付史館賜以束帛

張伯威大安軍人紹熙元年武舉進士調神泉尉大母  
黃年九十不忍之官黃得疾頻殆伯威割左臂肉食之  
遂愈繼母楊因姑病篤擊罵而死疾伯威復剔臂肉作  
粥以進疾亦愈伯威妹嫁崔均亦嘗剔左臂肉以愈

姑疾郡縣為立純孝及孝婦坊詔倍加褒表贈

全 何從義洛州人祖父母亡從義廬于墓側事父母  
孝養無至伯叔祖并伯叔祖母皆無子從義咸為治  
塋

元

葉雋字良弼松溪人有孝行祖母年高足疾不能動履  
與姊妙孺昇而趨卧者五年至正乙未間父景仁死于  
賊傾家貲募壯士八賊境殺其渠魁載父屍以還事  
聞授南豐州同知力辭不拜廬于墓側旦夕悲泣芝

生隧道

楊一懷孟人至元間憐其叔清家貧密以分契詣神祠  
焚之與清同居者三十年無間言事聞詔旌其家  
張本東昌荏平人篤孝事伯父叔父皆甚謹伯父嘗  
病卒晝夜不去側復載以巾車步挽詣岱岳禱之  
事聞詔旌其家

張慶真定人善事繼母伯父泰異居河南慶聞其貧迎  
歸養之供饌豐備過于所生事聞詔旌其家

汪俊德歙人元季侍祖父避亂途遇群賊欲刃之俊德懇  
曰我幼孤非祖無我殺我以活祖必為良鬼以報君賊  
美而釋之

扈鐸蘭陽人早孤育于伯父及長事伯父如所生伯父無  
嗣鐸為買妾及伯父卒遺腹生一男鐸嘗抱哺與同起  
卧十年不少怠弟病鐸夜禱于天曰天降罰余家鐸父  
子可問者一人勿喪吾弟使伯父無後也明旦弟愈及  
母卒鐸廬于墓側歲饑多盜宗族勸之歸鐸竟勿  
從

皇明

程通字彥亨徽州績溪人洪武乙丑以貢入太學時年二十  
 二遭父喪歸廬墓下三年哀慟毀形妻子至不相識  
 成服復入太學時祖平謫戍延安年已及老通上書言  
 臣壯而無父祖猶父也祖老而無子孫猶子也更相為命  
 今邊徼戍卒如林顧豈少臣祖者辭極懇切書奏  
 高皇憐之持其章不下私命兵部檄召平至乃并召  
 通東西立石陛下顧通曰汝識此人所相孫相持哽咽  
 不能仰視高皇嘆曰孝哉若人命兵部除其籍  
 驛送平歸鄉後授遼府紀善居荊州進左長史達

文朝上封事数千言皆

藩府事

文皇入正大統

詔柳赴京抵罪

孝女 附女孫

秦羅氏女父均用令武陵人運榔溺洞庭女求父骸

不獲亦赴水死世祀長沙宋贈孝烈靈妃

西漢

緹縈臨淄人太倉令淳于意之少女父有罪當刑怒

罵其五女曰生女不生女緩急無可恃于是縈隨

父至長安上書言妾父為吏齊中稱廉平今坐法

當刑妾傷死者不可復生斷者不可復續雖欲改過自新其道無繇願沒身為官婢以贖父刑文帝憐之為免父死因除肉刑

郝聖姑字女君其父年四十無子惟生女君及笄欲嫁之女君曰無昆季備養一旦適人反貽其憂堅辭不許事父母多有孝行

東漢

梁夫人媵梁竦女樊調之妻孝和帝之姨恭懷后之同產姊也恭懷生和帝梁氏相慶竦后怒乃誣梁氏殺

竦家屬移九真及和帝立竦后崩諸竦實以罪誅放媵從民間上書自訟天子感悟引見稱梁夫人擢樊調為郎中改葬恭懷于西陵追封竦為侯徵還家屬酒泉龐涓母 趙氏之女也字娥父為同縣人所殺而娥兄弟三人俱物故仇喜而自賀以為莫己報也娥乃潛備刀兵常帷車以候仇家十餘年不能得後過于都亭刺殺之因詣縣自首福祿長尹嘉義之解印綬欲與俱亡娥不肯去後遇赦得免卅郡表其閭太常張奐嘉歎以束帛礼之

叔先雄者樵為人也父泥和水建初為縣功曹乘船墮湍水物故尸喪不歸雄感念悲痛號哭晝夜常有自沉之計所生男女二人並數歲雄乃各作囊盛珠以繫兒數為訣別之辭家人每防閑之經百餘日稍懈雄因乘小船於父墮處慟哭遂自投水死其弟賢夢雄告之曰後六日當共父同出至期伺之果與父相持浮于水上郡縣表上為立碑圖像其形焉

張雨壽張人張明之女早喪父年五十不嫁有弟之雨教之讀書為之娶婦縣令謝夷吾請于上復其家

曹娥上虞曹所女也所以五月五日弄潮而死娜時年十四哭于江邊即投江死越數日負父屍同浮水面上虞令度尚上其事于朝為立廟祀之鄉郡傳作碑文蔡邕題云黃絹幼婦外孫壘壘白廟側有墓宋治平未以朱娥配享

吳

孝娥吳大帝時娥父為鄉官治鑄不流娜憂父刑遂投爐中鉄乃罄父見履出爐上乃知

琬紗女永嘉人居蠻川莫知姓名家貧踰笄不嫁事

母孝常紡績為養人每見其夜浣紗而旦即而易以供母及母卒遂抱石自沉里人為立祠并建浣紗坊以表之

荀崧小女灌幼有奇節崧任襄城太守為杜曾所圍刀弱食盡欲求救于故吏平南將軍石覽計無從出灌時年十三乃率勇士數十人踰城突圍夜出賊追甚急灌督屬將士且戰且前詣覽乞師又為崧書與南中郎將周訪請援仍結為兄弟訪即遣子撫率兵三千會石覽俱救崧賊聞兵至散走灌之力也

王廣女廣仕劉<sup>聰</sup>為西楊州刺史蠻帥梅芳攻陷楊州而廣被害女時年十五芳納之佛於閭室擊芳不中芳怒罵起曰何故反邪女罵曰蠻畜邪欲誅反耶何謂反何汝反逆無狀害人父母而復以無礼陵人吾所不即死者欲誅汝耳今死自吾分但恨不得梟汝首於通遠以塞大耻乃自殺

齊佩任羊緝女也烏程人隨母還舅氏母亡晝夜號哭不飲食三日而亡鄉里號曰女表

趙氏父亡弟幼遇鄰饑母老病篤趙從鄉里告乞言



辭哀苦鄉里憐之各分升才遂得免及嫁少時夫亡  
家欲更嫁誓死不允

陳氏三女會稽人也陳無男祖父母年八十九父篤癯病  
母不安其室遇歲饑三女相率於西湖採菱蕪更日  
至市貨賣未嘗虧息鄉里稱為義門多欲娶為  
婦長女自傷乳獨誓不肯行祖父母尋相繼卒三  
女自營殯葬為庵舍居墓側

王氏女永興概中里人也<sup>年</sup>五歲得毒病兩目皆盲性至  
孝年二十父死臨尸一叫眼皆血出小妹娜舐其血

左目即開時人稱為孝感

屠氏女諸暨東滂里人也父失明母痼疾親戚相棄  
隣里不容女移父母遠住約舍晝採樵夜紡績以供  
供養父母俱卒親營殯葬負土成墳忽空中有聲云  
汝至性可重山神欲相驅使汝可為人療病必得大富  
女謂是魑魅弗敢從遂得病積時隣舍人有溪蚺毒者  
女誅療之自覺病便差遂以巫道為人療疾無不  
愈家產日益鄉里多欲娶之女以無兄弟誓死  
守墳不嫁

鮮于文英文宗姊也適荀氏七日而夫亡執節不嫁及母卒晝夜哭泣遂喪明

梁 羊氏名淑樺蘭陵人蕭矯妻性至孝父喪哭輒吐血母嘗有病淑樺終夜祈禱忽見一人在樹下自稱枯桑君曰若母無患今殘氣在亥南求白石鎮之言訖不見明日如言而疾愈

宣邨宛陵女子天監中與母同牀眠母為猛虎所取女啼號隨等猛虎行數十里獸毛落盡虎乃置其母而去抱母猶有氣息經時乃絕太守蕭琛表上詔

表門閭

北魏

女勝河東姚氏女也少喪父無兄弟母憐而守養年六七歲便有孝性聞人言其父輒垂泣正光中母死女勝年十五哭不絕聲水漿不入口數日不勝哀遂死太守崔遊申請為營墓立碑自為製表文表其門閭比之曲曰姚改其里曰上虞里

盧元礼妻李氏趙郡太守李叔胤之女性至孝父卒號慟幾絕追母卒號踊而卒有司以狀聞詔曰孔子稱

毀不滅性蓋為其廢養絕類也李非嫡子而孝不勝  
哀雖垂俯就而志厲義遠若不加旌異則無以勸  
勵洸可追號曰貞孝女易其里為孝德里標里  
盧二門以博風俗

隋

劉昶女河南人適長孫氏之子昶與文帝有舊以其子居  
士恣橫破其家產昶奉養甚薄女時寡居哀昶如此  
每歸寧躬耕紡績以致其肥鮮後居士坐告不遜誅昶  
亦下獄女每親調飲食詣大理餽父見獄卒跪而進

之歔歔嗚咽見者酸鼻及昶賜死于家詔百寮  
臨視時女絕而復蘇者數矣公卿慰諭之女言父無  
罪坐子以及禍情詞哀切人皆不忍聞見遂布衣蔬  
食以終其身帝聞嘆曰吾聞哀宗之女興門之男固  
不虛也

南陽公主煬帝長女也嫁宇文士及士及兄化及弒煬  
帝為竇建德所誅時王有一子名禪師年且十歲  
建德遣武貴貴即將于士澄謂主曰宇文化及躬行  
弒逆禪師還當割愛亦聽留之主泣曰武貴既

毀不滅性蓋為其廢養絕類也李非嫡子而孝不勝  
哀雖垂俯就而志厲義遠若不加旌異則無以勸  
勵沈孚可追魏曰貞孝女易其里為孝德里標里  
盧二門以博風俗

隋

劉昶女河南人適長孫氏之子昶與文帝有舊以其子居  
士恣橫破其家產昶奉養甚薄女時寡居哀昶如此  
每歸寧躬耕紡績以致其肥鮮後居士坐告不遜誅昶  
亦下獄女每親調飲食詣大理餉父見獄卒跪而進

之歔歔嗚咽見者酸鼻及昶賜死于家詔百寮  
臨視時女絕而復蘇者數矣公卿慰諭之文言父無  
罪坐子以及禍情詞哀切人皆不忍聞見遂布衣蔬  
食以終其身帝聞嘆曰吾聞哀宗之女與門之男固  
不虛也

南陽公主煬帝長女也嫁字文士及士及兄化及弒煬  
帝為竇建德所誅時王有一子名禪師年且十歲  
建德遣武貴貴即將于士登謂主曰字文化及躬行  
弒逆禪師還當割愛亦聽留之主泣曰武貴既

是隋室貴臣此事何須見問建德乃殺之公主尋請為尼終身不與士及相見

王孝女名舜趙人父子春被從兄長忻夫妻所害無子時女甫七歲與二妹寄食親戚家及笄不肯適人與二妹中夜持刀入長忻家殺其夫婦以告父墓因詣縣請罪姊妹爭為謀首州縣不能決文帝聞之特原其罪

唐

劉寂妻夏侯氏名碎金滑州非城人父長雲為益州縣

丞因疾喪明碎金乃求離其夫以終侍養經十五年兼事後母以至孝聞及父卒毀瘠殆不勝喪髮徒跣負土成墳廬于墓側每日一食如此者積年貞觀中有制表其門閭賜以粟帛後其女居母喪亦如母行官又賜粟帛表其門

衛孝女絳州夏人字無忌父為鄉人衛長則所殺無忌甫六歲無兄弟母改嫁速長志復仇會從父大延客長則在坐無忌抵以甕殺之詣吏稱父冤已報請就刑巡察使褚遂良以聞太宗免其罪給驛徒雍州

是隋室貴臣此事何須見問建德乃殺之公主尋請為尼終身不與士及相見

王孝女名舜趙人父子春被從兄長忻夫妻所害無子時女甫七歲與二妹寄食親戚家及笄不肯適人與二妹中夜持刀入長忻家殺其夫婦以告父墓因詣縣請罪姊妹爭為謀首州縣不能決文帝聞之特原其罪

唐

劉寂妻夏侯氏名碎全滑州非城人父長雲為益州縣

丞因疾喪明碎全乃求離其夫以終侍養經十五年兼事後母以至孝聞及父卒毀瘠殆不勝喪髮徒跣負土成墳廬于墓側每日一食如此者積年貞觀中有制表其門閭賜以粟帛後其女居母喪亦如母行官又賜粟帛表其門

衛孝女絳州夏人字無忌父為鄉人衛長則所殺無忌甫六歲無兄弟母改嫁逮長志復仇會從父大延客長則在坐無忌抵以甓殺之詣吏稱父冤已報請就刑巡察使褚遂良以聞太宗免其罪給驛從雍州

賜田宅州縣以礼嫁之

賈孝女濮州郵城人年十五父為族人玄基所殺弟彊  
仁尚幼孝女不肯嫁撫之能自立教伺玄基殺之取  
其心告父墓彊仁詣有司言狀論死女請代弟高  
宗恫歎并免之徙洛陽

于敏直妻張者皖城公儉女也生三歲每父母病已能  
晝夜者視顏色如成人及長愈恭順仁孝儉病篤  
聞之視泣幾絕儉死一慟遂卒高宗懿其行賜物百  
段以狀屬史官

李氏女汴人年八歲父亡殯于堂十年朝夕哀臨及笄  
母欲嫁之斷髮丐終養居母喪哀號過人自營葬  
具州里送葬千餘人廬于墓蓬頭跣足而負土以完  
園塋前松數百武后時其門閭

楊紹宗妻王氏華陰人在襦而母亡繼母鞠愛之父征  
遼沒繼母又卒王年十五乃舉二母柩而立父像招魂  
以塋廬墓左永徽中詔楊氏婦在隋時父沒遼西  
能招魂克塋至祖父母塋隨親服版築哀感行路  
因賜物百段并粟以旌表門

鄭孝女兗州瑕丘人早喪母父神祚為官兵死于慶州  
終鮮兄弟女年二十四即剪髮毀服護喪還鄉與  
母合葬廬墓下初許嫁李玄慶至是謝不嫁大中時  
詔旌其門

章氏二女歛人章預之女也與母程氏登山採桑母為虎所  
攫二女號呼搏虎虎捨去母獲免刺史劉瓚為復其  
家表其鄉曰孝女

李孝女名妙法瀛州博野人安祿山亂被劫徙他州聞  
父之欲間道奔喪一子不忍去割一乳留之既至父已  
葬號誦請開父墓以視宗族不許復持刀刺心乃為  
開見棺刮去塵垢招拭之結廬墓左手植柏柏有異鳥  
至後母病或不食歛女終日未嘗視七箸及亡刺血書  
于母臂而葬廬墓終身

程氏女德興人肅宗時女之父兄為盜所殺因掠女去隱  
忍十餘年後以計脫告于刺史顏真卿捕磔于市  
女割其所心以祭其父兄宋程迥取春秋復仇之義  
表之曰程英孝烈女

廬甫妻李氏秦州成紀人父瀾永泰初為蘄令諭降



劇賊數千人刺史曹昇龍衣賊敗之賊疑禍賣已執瀾  
及弟勅兄弟爭相代死李見父被執亦請代遂皆遇  
害贈李孝昌縣君瀾勅皆贈官

丁氏女永嘉人居象浦性至孝及笄不嫁日紡績夜釣魚  
以給母衣食一夕遇暴風甚雨溪漲溺死鄉人立祠浦  
傍以旌表其孝

王孝女徐州人字和子元和中父兄皆防秋屯涇州吐蕃  
寇邊並斃死和子年十七單身被髮徒跣緣裳抵  
涇屯日丐貸護二喪還葬于鄉植松柏剪髮壞

容廬墓所節度使王知興白狀詔旌其門

高愍女名姝姝父彥昭事李正己及納拒命質其妻

子使守濮陽建中二年黎州歸河南都統劉玄佐  
納屠其家時女七歲母李憐其幼請免死為婢許  
之女不肯曰母兄皆不免何賴而生母兄將被刑編拜

四方女問故荅曰神可祈也女曰邪家以忠義誅神尚  
何知而拜之問父所在西嚮哭再拜就死德宗駭嘆  
詔謚曰愍

馮孝女穆宗時人居劍塘少孤母子相依及長不嫁以養

母病篤思肉因刲股為糜以進後母死號慟嘔血既塋結草廬墓下日焚香蔬食刺臂血寫佛經仍捨宅為寺以薦母長慶三年詔賜粟帛

蕭氏女父歷為撫州長史父母俱卒蕭年十六與女弟毀貌載二喪歸貧不能給母傭次宣州戰馬山舟人委柩去蕭結廬水濱與婢穿墻而塋朝夕哀臨高其行或請婚女曰有能為我致柩塋故里請事之高安尉楊含為載二喪歸蕭乃釋服而嫁楊氏

謝小娥豫章人嫁歷陽段居正居正與姪父作賈江湖為盜所殺小娥夢父與夫告曰殺汝父者甲蘭殺汝夫者申春小娥詣申家村尋訪得之乃詭服為男子托傭蘭家一日乘蘭醉斬其首大呼捕盜鄉人踰墻擒春并其黨抵死小娥還豫章人爭聘之不許祝髮為尼

饒娥樂平人字瓊真生小家父勸漁于江溺死娥年而哭水上不食三日死俄雷電父屍浮出鄉人具柩葬之縣令魏仲光獨其墓建中初黜陟使鄭叔則表旌其閩河東柳宗元為立碑

趙氏文山陽人父盜盜當論死女詣官訴曰迫饑而盜救死耳情有可原能原之耶否則請與俱死有司美之許却父死女曰身今為官所賜願毀服依浮圖以報即截耳自誓侍父病卒不肯嫁

南唐聶氏當塗貧家也年十三隨母採薪母為虎攫去女持刃跳登虎背抱虎頸極力刺之虎奮擲咆哮而斃死女走報家收母屍葬之

宋

彭氏文分寧人嘉祐中年十九從父入山採樵父為虎所攫女挺身斫虎父得不死事聞詔賜粟帛仍命有司歲時存問

孟氏延安人父代永樂夏人攻邠陷之父死孟呼號徒步入邠中獲父屍大慟而斃夏人憐之并其父瘞焉

張氏羅江士人女寡母楊氏携之同赴姻會暨歸則典庫雍乙被殺死莫知主名提點張文騰疑楊有私殺乙以榔口醋加栲掠辭終不服女謂母曰母以清潔聞寧死蕪楚不可自証吾將死訴于天言終而絕于是石泉連三日地大震有聲如雷天雨墮屋瓦

比自著理官李志寧禱於天恍見猿墜于前乃執張氏饋食之夫袁大一向遂服曰適盜庫金會雍歸乃殺之楊乃得免榜其所居曰孝感坊

詹氏紹興初淮寇破蕪湖女年十七歲賊至欲殺父兄女趨前曰妾雖寧陋願事將軍以贖父兄命賊從之釋父兄縛女隨行數里過市東橋躍水死之

夏氏女高溥人母有疾女割腹取肝療之溥熙中縣令表其里曰昭孝

林氏楊氏周氏女母病皆禱而判股煮粥以啖母病遂差嘉定中暨立三孝感坊旌之

盧氏女永嘉人居盧奧一日與母同行遇虎將噬母女即以身當之虎得女母乃免後有人見其跨虎而行里人為建祠於永寧鄉至理宗朝封曰孝祐

呂仲殊女名良子晉江人父得疾瀕殆女焚香祝天請以身代時夜群鵲繞屋飛噪仰視空中大星燦煌如月者三翌日父瘳妹細良以相從拜禱良子卻之細良曰豈姊能之兒不能耶真德秀嘉之表其居曰懿孝

懿孝

陳氏龍溪田家女事父母孝實慶問父病為不能  
愈女年方十有三默禱于神別取其所為屨以進  
父服之愈郡倅林有宗立石名其所居里曰旌孝  
坊

劉氏二女南海人母病一女割股一女割肝以救之鄉間  
感動經畧使龍其弟良上其事詔旌表其門倍給

粟帛

曹小娥黃巖人嘉熙二年同其母范及隣居三人採  
筍范為虎所得娥執母手推虎而叫范知不免誓

誓然命之去娥叫執愈疾虎掉尾拂娥踞坐熟  
視娥以身翼母推之下山卒而完屍里人吊之娥曰  
恨不代吾母死

夏孝女小字阿九黃巖人時年十五一日隨父樵於山父  
前與虎遇女見父陷虎口叫號直前執鞭鞭虎踰數  
十步虎棄其父而啖之

焦花女定陶人母病思食餅麥時隆冬女哭于郊其麥即  
穗取以奉母而疾愈

馮氏諱素金星子人父病割股療之疾遂愈郡守陸

德輿表其墓

童八娜鄆人虎啣其大母女手曳虎尾所以身代虎為  
釋其大母啣女以去郡守林栗以聞于朝立祠祀之

朱娥上虞人朱回女也母早亡養於祖媪里中惡少朱顏  
與媪競持刃欲殺媪娥年十歲號呼突前曰寧殺我母  
殺媪也媪得脫娥被數十刃以死事聞賜其家粟帛  
會稽令董楷為娥立像於曹娥廟歲時配享焉

全 聶天驥女名舜英五臺人天驥為衛州行尚書六  
部事哀宗遷歸德天驥留汴中崔立之變天驥被創

甚舜英救療不治葬之明日亦自縊

元

王氏女建德人至大間其父出芸舍傍遇豹為所噬曳之  
升山父大呼女譟父聲驚趨救以父所棄鋤擊豹腦  
殺之父乃得生

朱壽至元末台寇楊英鎮龍反既獲賊壽有奴在械中  
奴嘗怨壽父環搥傷詞連環環視壽泣壽乃走告法  
曹馮耿賢馮怒壽哀祈益切馮為之惻然遂得釋  
馬英河內人父與二兒繼沒英獨事母及二寡嫂甚謹

母沒負土為四墳手植松柏廬墓終身

武管嬰太原人年十七未嫁至正中避兵山峒其父被執女奔至父所謂兵勿殺我父請以身代眾乃釋其父父已逝妻言我有金帛瘞井邊眾往掘得之方爭取女郎投井死

李智貞浦城女也九歲母卒哀慟欲絕不茹葷三年表氏女溧水人年十五母嚴氏孀居極貧病篤于狀女事母極孝至正中兵火延其里憐婦強携女出避泣曰那何忍舍母去乎遂入室抱母共焚而死

徐氏名彩鸞字叔和浦城人適邑士李文景累通經史元末青田寇寇浦城彩鸞從父嗣源逃山谷間賊欲害嗣源彩鸞身前曰寧殺我賊舍其父彩鸞語父曰兒義不受辱今必死父可速去賊驅彩鸞至桂林橋題詩壁間有惟有桂林橋下水千年照見妾心清之句乃厲聲罵賊竟投水而死

姚氏餘杭人居山谷間夫出刈麥姚居塚執嬰母何氏往汲澗水久而不返俯聞覆水聲亟出視之則虎啣其母姚倉卒往遂即以手毆虎脇隣人因執器械以從虎

乃置之去姚負母歸求藥療之得不死

朱妙淨山陰人其母名淑信少寡誓不嫁妙淨幼哭父喪明無擇偶者士人王士貴重其孝乃求娶焉

葛妙真宣城民家女年九歲聞術者言母年五十當死即啼泣請禱誓不復嫁終身茹素祈延母壽母後年八十一卒詔褒異之

全良女鄞縣人名汝安父母多疾汝安侍養惟謹及笄大家爭求聘汝安自謂父母老且病雖有兄弟馳驅門戶朝夕之養奈何自是絕葷茹素夜焚香願天祈親壽

後父母俱八十餘而沒汝安居喪六年遂不復嫁鄉人以孝稱前太史危素為之贊

秦氏二女宜陽人父嘗有危疾醫云不可治妙閉戶默禱鑿已腦和藥進飲遂愈父後復病欲絕妹封股肉置粥中父少暇即甦事聞褒美之

孫氏女河間人父病癩十年女禱於天求以身代且吮其膿血旬月而愈

許氏女安曲豆人父疾割股啖之乃痊

湯姪龍泉人有姿容財殺其父母不勝悲憤以頭觸刃



賊亦殺之其妹亦死

張氏高郵人賊叩其侯索之不得欲殺其父母乃自出拜賊即呼其父母為丈人媪而以女行過橋女投水死

張氏文廬州人嫁為高厚妻母自喪明文歸省抱母泣以舌舐之目忽能視州縣以狀聞褒異之

畏吾氏三女家鄉塘諸兄遠仕不歸母思之疾三女欲慰母意乃共斷髮誓終身不嫁以養母同力侍護四十餘年皆以壽終後人為之立祠

閔本二女河內人長曰真次曰文二女見父死國難呼天號泣

自劉其旁

皇明

劉氏女名美玉博平人生員劉俊女正德十六年同父遇賊賊殺俊女以身翼之賊負女以行女罵曰恨不殺汝豈同汝行遂死之有司給葬祭立石旌表

張氏文含山人正德初父誠貧而無子疾將革張痛切且恨以女子不能為父後遂籲天割股和藥以進請以身代

康孝女 本朝濟源人父友賢年老無子贅王珏為婿

康勸母納妾生子而乏乳康亦生女遂捨之乳其弟曰吾  
父老矣女可得弟不可再得也母嘗病康嘗糞其  
沒誓不用道時人稱之

雷氏女桂陽人雷廷惠妻名毛姑天順中淫寇攻破藍州人  
民奔竄女父月疾不能行女獨倚父側哀哭被執欲  
污之罵賊不屈而死

孝婦 孫婦 姪婦附

周 顏文姜齊人適李氏事姑至孝常踰歷山險汲新  
泉以供姑忽感泉湧于室遂流成河故人者其里曰顏

神河曰孝婦立廟祀之

漢

陳少寡婦年十六適陳無子夫嘗行戍囑養其姑夫死  
不還婦奉姑不衰父母哀其少將嫁之婦誓死不從養  
姑二十八年姑終以禮殯塋葬孝文帝高其義賜黃  
金四十斤復其終身號曰孝婦

東海有孝婦養姑甚謹姑欲嫁之不肯姑自縊死姑女  
告婦殺母捕驗治孝婦誣服具獄上府太守論殺之枯  
旱三年後太守殺牛自祭因表其墓天乃雨

沈伯陽妻顧氏字昭君早寡無嗣盡禮養姑父陰以許人  
姑聞之哭昭君驚問其故乃斷髮以明己志

晉 陝婦不詳氏族年十九劉曜時娶居陝縣事叔姑甚  
謹其家欲嫁之婦毀面自誓叔姑病死其叔姑有女在  
夫家先從此婦乞假不得因誣其母有司不能察而誅  
之時有群鳥悲鳴尸上其聲甚哀風夏暴尸十日不  
腐亦不為蟲獸所敗後縣境經歲不雨曜遣呼延謨  
為太守既知其寃乃斬叔姑之女以少牢祭其墓謚  
曰孝烈貞婦其日大雨

齊 林貞婦方氏名友弟寧海人年二十八夫卒守節姑  
多病方善事之及卒行喪奠哭如儀

北魏 樂部郎胡長命妻張氏事姑王氏甚謹大安中京  
師禁酒張氏以姑老且患病私為醞之為有司所糾王  
氏詣曹自首由己私釀張氏曰姑老抱患張主家事姑  
不知釀主司不知所處平原王陸麗以狀奏文成閔  
而赦之

隋 覃氏者上郡鍾氏婦也與夫相見未幾而夫死時  
年十八後事姑以孝聞數年間姑及伯叔皆相繼死

死覃氏家貧無以葬躬自儉約晝夜紡績十年而葬  
入喪高祖聞而賜米百石表其門閭

唐

鄭義宗妻盧者苑陽士族也涉書史事舅姑恭順夜  
有盜持兵劫其家人皆竄匿惟姑不能去盧冒刃立  
姑側為賊持楯幾死賊去人問何為不懼荅曰人所以異  
禽獸者以其有仁義也今隣里急難尚相赴况姑可  
委棄耶者百有一危非不得獨生姑曰歲寒然後知松  
栢後凋君乃今見婦之心

唐夫人山南西道節度使崔瑗之祖母也事姑孝姑長孫  
夫人年高無齒每旦櫛沐縱笄拜階下即升堂乳  
其姑長孫夫人不糧食數年而康寧一日疾病長幼咸  
萃宣言無以報新婦恩願新婦有子有孫皆得如新  
婦孝敬後其子孫之盛鄉族罕比

苑氏宜春人夫與舅俱亡事姑孝謹姑病徧求醫不効  
忽聞肉香欲食之甚急村野莫能得乃割左臍肉  
煎以奉姑病遂愈鄉里稱其孝以割骨名村

何氏於潛人莫氏之婦夫死年猶盛誓不嫁養姑至孝

黃巢亂隣里皆奔徙何氏以姑羸卧疾不可俱抱茹  
涕泣賊至親勸乃賊曰吾數年寡居以有姑耳今願代  
姑死賊乃掠何氏去將牙之植及使懼何氏詭請櫛沐更  
衣因解襦自縊賊葬而瘞之

宋

盛氏昌化民章瓊妻也姑何氏性急盛伺顏色終日侍立無  
惰容姑病盛鬻簪珥供醫甘旨費姑病劇乃閉門刻  
脇取肝為膳以進長嫗氏化其孝亦刻股為政和六年  
州上其事詔旌表之

王氏進士張庭熒妻寿光人宣和間賊邢員執其翁王  
以金帛贖之又欲逼其從王大罵遂被害事聞旌表  
朱雲孫妻劉氏安福人姑病雲孫刻股作糜以進而愈  
姑復病劉亦刻股以進病亦愈尚書謝諤為賦孝  
婦詩

史氏顏少保之婦克盡孝道姑嘗病史氏憂形于色不離  
左右湯藥必親奉衣裳垢必自浣濯姑卒極其哀慟喪  
葬悉如礼景定元年事聞于朝特封孺人號曰孝婦  
謝天與妻鄧氏武進人夫卒其姑以哭子喪明鄧氏竭

力侍養德祐乙亥元兵猝至鄧氏抱姑避牛舍兵至火其廬急扶姑匿後圃鄧氏被獲繫而驅之行遇漕渠潛脫所繫赴水死

魏挺棄劉氏寧國人妣性嚴峻劇事之極得懽心姑卧疾五載劉日夜侍疾衣不解帶晨興必焚香禱天姑卒脫簪珥助夫營葬茹素三年哀動隣里

丘氏寧德人陳晏妻也性慈孝姑病篤丘氏刺血寫經以祈庇佑姑果感夢而愈

胡淑修宿之女嫁李之儀讀書善屬文之儀母死淑修躬自負土封穴哭泣不輟手植松柏遂成茂林

陳氏名莊寧德人年二十適進士何晉之事姑孝謹甫雨暮晉之卒一女尚幼陳氏方有娠因默禱于天曰若何氏有後死不悔矣後果生男遂屏去脂澤閉門獨居親戚罕見其面夜課子讀書率漏下三鼓子卒以文學名

翁氏莆田人林昭度妻也昭度以計偕卒于舒州翁氏時年二十一守志不可奪事舅姑以孝聞教督二子擢第成名郡以翁氏有至行聞于朝且名其坊曰孝義

葉氏女名女童娶源人未醮而婿歿女聞訃請于父往哭之誓不再適以夫從子為嗣經紀其家事舅姑以孝聞表其里為烈女坊

顧德謙妻張氏鹽官人夢天神謂曰汝某日當震死至期雷電交作張氏恐驚其姑乃遠適山下聽震恍聞空中語曰汝一念孝心天宥汝矣雨霽而歸

王氏二女膠州人靖康中金人南寇二女從姑避難俱為占虜所獲二女繼則曰釋我姑吾當從汝則信之姑既去俱溺海死親屬收其屍埋之曰雙女塚

潘樹妻張氏海門人年二十六夫亡事姑教子為鄉閭法孀居三十年守志不易旌以節孝之門

朱節婦蔡氏黃巖人朱仕龍之妻也歸五年而仕龍卒節婦年方二十一常平使者黃唐聞其賈固請納幣婦慟曰婦無二夫縱彼卿相我何顏事之終身蓬頭垢面奉舅姑以教其子

王氏涇陽人進士武師古妻師古早卒竟以守節奉舅姑如初後旌表其門

全師氏年十八適登城雷氏至二十四歲未有子而夫亡

誓不再嫁篤養姑姑病革藥不効師氏潛刺股肉雜  
飲食以進姑病乃瘥後舅姑俱逝又二十餘年其兄師  
達欲利其產業私許楊珮婚訟于官師氏度其難免  
投井而死明昌三年來訪使以事聞特旌貞潔

元

汪宗巨妻戴氏旌德人逮事祖姑年二十二夫亡二姑繼歿  
治喪營葬執禮無愆至元中詔旌表

徐德妻董法玉諸城人德卒董年二十子二尚在襁褓  
情苦萬狀未幾舅姑相繼亡玉備棺衾不失祀家貧

三喪歷二十年未舉大德初五泣訴于鄉好義者憐  
之皆厚助遺遂得葬題其墓曰董法玉葬親之所  
俞新之妻聞氏紹興人大德四年新之歿斷髮自誓不復  
嫁姑死病瘋且失明聞氏手祿糲穢不息時漱口上堂  
舐其目目為復明及姑家貧無資傭工與子親負  
土塋之朝夕悲號鄉里嘉其孝為之語曰欲學孝婦當  
問俞母

廖氏龍溪人其夫希顏早卒子興嗣孤幼姑方氏年老廖  
年甫二十有四遭宋末亂離扶姑攜子以避難巖壑不



給里用或導其改適廖感泣截髮自誓力織紵以奉姑鞠幼艱苦萬狀大德間詔旌表之

趙孝婦應城人傭織得羨羨食必持歸奉姑粥馮子得姑棺而火將及亟扶姑出撫棺大哭火轉而息人稱孝感

劉氏耀州季子和妻夫年十九死劉誓不再嫁至大元年旌表其門事姑極孝後名其里曰孝姑里

盧敬妻時氏輝縣人敬早亡時年二十四自誓不踐二庭撫育幼子時祖姑八十餘竭力奉養不息至大三年旌表其門

忽思都妻只魯花直蒙古人年二十餘夫卒誓不再醮孝

養舅姑逾二十五年舅姑沒塵衣垢面廬墓終身

宋仲容妻梁氏翼城人舅沒負土為墳

廖氏名妙祿建陽人歸為吳氏婦年二十其夫亡事舅

姑至謹舅卒奉其姑不少息仁宗時特封貞節宜人

樹坊旌之永錫其家徭役

鄭文明妻丁氏新建人夫歿孝事舅姑旌門

井氏蒲城人任輝妻夫亡時年二十一養育子孝慈兼

延祐五年旌表

傅君用母黎氏邵武人平居事姑甚謹定省必察其饑寒夜則侍寢如是者四十餘年天曆初姑年九十九黎病革姑問之黎曰老人善自養越三日則百歲矣即時卒其姑戚然三日亦卒縣令為之眉壽坊旌之

任仲文妻林氏寧海人早寡甚貧姑患瘋疾扶持甚謹撫育三子皆有成年一百三歲而卒

鮑琪妻吳氏歙人至正十六年官軍復郡城遊卒哨掠人皆避之吳氏獨以姑疾侍不去姑忽思覓乃懷幼兒出采莧遇遊卒欲汙之不屈復大罵以走卒怒斬之

蹴屍入河中猶抱其兒不置

馮英妻劉氏杞縣人夫亡年甫二十人哀毀喪明生遺復子通字養踰歲目復明紡織奉姑教子守節罕六年至正間事聞旌表

姚臨妻金氏宜興人聰慧知書事姑孝謹元末兵起臨挈老父入太湖遊兵迫之金度不免乃與夫訣曰汝有老父宜善保我誓不受辱即抱幼女赴水死

李氏名妙嚴晉江人歸于同邑尤惠繼姑虐甚妙嚴曲盡孝養遂為姑所愛惠早卒男女凡七俱幼妙嚴

惡衣蔬食辛勤以營家計及諸孤皆成立有司以聞旌其居曰節孝

劉珍之妻趙氏安陽人年十八歸劉氏四年而夫亡子姪生舅姑垂老趙仰事俯育久之累無怠色紡績自給舅姑歿依礼塋祭教子讀書年方八以疾終有司奏聞旌表其門閭

何氏懷孟人夫歿守志養舅姑以孝壽終親負土成墳高三丈餘

顏顯卿妻溫迪罕氏女直人居相之間善坊未十年而夫亡有子一人方襁褓舅姑在堂遂蓬首垢面不踰閭者累年家漸衰替姑亦隨亡與一老婢為人耕濯補綴以奉舅舅亡典所居以塋之

林貞婦方氏諱友弟寧海人年二十嫁同邑林可企之父其越八載生四子夫以疾亡諸子皆幼貞婦幾欲無生恐傷姑心乃忍死吞聲泣有里豪乘其喪而坡之者貞婦感氣叱之姑年八十餘貞婦敬之如鬼神保之如嬰兒

郭三妻楊氏事舅姑以孝聞夫死成所母欲奪嫁強

慟自矢後竟自縊死

陳寬甫妻胡氏武陟人年十五適陳氏孝順舅姑克盡婦道年二十三夫亡一子時在襁褓撫育以底成立年九十而終詔旌其門

李祐妻劉氏渤海人早寡父母使再醮不從舅患疽劉為吮血既愈親挽小車載舅詣岳祠奠謝

白氏太原人夫棄家為僧白氏年二十留養姑不去服勤績絰以供租賦夫一日還迫使他適白斷髮誓不從姑年九十卒竭力營葬畫姑像祀之終身

方氏諱迎越之諸暨人也事姑何氏左右就養惟恐違其志姑病脯道莊不能親御廁溷孝婦以指探出之歲以未嘗有難色宋濂表其墓

黃氏字集義黃巖人歸同里楊戴至既歸而舅姑皆歿時大舅在大老童之年馭下甚嚴黃事之益謹定省無違禮日供調飲膳隨所需以進或思異味雖遠百里必力致之如是者十載如一日大舅喜曰吾家新婦能善事我真孝婦也由是鄉里皆稱為孝婦

金陵劉祐妻馬氏

句容曹興裕母王氏

新喻談某妻廖淑貞 全陵李成妻周氏

全陵劉英傑妻吳氏 輝縣陳克敬妻趙氏

貴溪徐肇仲妻宋以順 鄖縣周鏗妻王氏

咸寧李安適妻王氏 昌樂尚成妻劉氏

湯陰劉貞妻高氏 餘干程植妻王氏

臨江楊仕寧妻筠陽陳氏 武林施水坊王常妻湯氏

全鄉霍氏高温妻姚氏高玉妻岳氏高勳妻馬氏高珪妻

韓氏

吉安朱甲妻郎氏 東平鄭氏

大寧杜氏 安西楊氏

以上二十三人內郎氏鄭氏杜氏楊氏俱以割股愈姑餘  
事未詳然皆蒙旌表故備著姓名於右

皇明

劉氏新樂韓太初妻太初仕元為顯官洪武七年徙和州

劉奉姑甯氏以徙至南宮姑仆地傷腰劉刺血和湯

以進乃愈至瓜州姑疾再進再愈至和州鬻蔬供養無

違禮姑患風疾時盛夏劉晝夜驅蚊蠅不怠後姑

病危嚙劉小指意與之永訣劉不悟斬指滴血和粥

以進姑卒殯之淺土欲歸葬五年弗果哀猶常如袒  
括之日事聞召至京厚賜之官為送甯氏喪歸葬  
新樂旌表其閭

甄氏無極人嫁樂城李大舅早卒事姑甚孝大與其弟異  
居一日姑出往次子家甄隨侍不忍去姑命之還甫三日  
忽心動舉身流汗少頃果有未告其姑病篤者甄沿  
途拜禱往至姑側侍疾數日而愈後姑年九十卒  
合葬舅墓甄廬墓側三年旦夕悲慟不輟里人稱為  
孝婦洪武中旌表其門

何氏永嘉人王水叔妻王氏家淡泊何佐夫起家資用  
遂饒一日語夫曰子可出仕柰子之弟妹貧寒何  
索中餘資以藏奚益夫曰此吾素志旦日盡散簪  
珥不遺木叔既出仕又曰子之弟尚困有田若干曷不  
畀之夫曰此尤吾志也遂以田與弟時稱賢婦

朱氏上饒人歸歐陽福祐年二十三而寡姑難其少且  
貧諷使更適矢死不從姑病革刲股療之比卒哭  
之甚慟遇異人指以地始厝人謂孝感所致

毛氏玉山詹清妻年二十二清歿遺腹生子杓毛塔容

惡服誓不用嫁姑徐父癱瘓毛與共寢浼孫稱惡  
孝謹備至

陳氏邵武副都陳泰女適吳成成卒目不瞑陳仰首  
誓願終身養其母成為瞑自自是孝養躬勤紡  
績事聞受旌

丁氏定州李英妻年二十生子八月英死舅亦早亡事姑張  
氏孝謹隣媪諭其嫁丁泣曰妾不幸舅亡夫歿今子  
幼姑老無他侍養寧死誓不嫁隣媪愧止媼居幾五  
十年始終一節事聞旌表

王氏饒陽趙彥良妻年二十二生男方一歲夫卒以禮葬  
之兄憐其少欲奪其志王曰生為趙家妻死為趙家鬼  
况有公姑無人侍養豈可他適固拒而止躬事蚕績以  
供舅姑及卒以禮殯葬年五十七守節五十二年事聞  
旌表

方氏婺源胡亨華妻嫁未幾而夫卒及葬囑工為虛壙  
於右去容飾孝事其姑姑葬之日告夫墓曰吾事畢  
矣遂自縊

董淑真海鹽董鎮女贅朱士庶年少夫亡誓言不更嫁

迎姑終養洪武中旌

楊氏衢州鄭儼妻儼早卒子瞻甫周歲守志養姑百難不變成化間旌表

周氏遂昌人永樂間許聘蘇仲善為繼室未行而仲善死周遂親慟至夫家服衰麻撫夫前室子事姑以孝年七十餘而卒鄉里稱為蘇老安人

陳驥妻王氏景寧人年二十一驥死生遺腹子名達家貧甚日紡績事姑撫幼營葬其夫孀居三十九年成化初旌之

莫潤妻沈氏紹興人歸潤家貧甚復暴悍不能治生沈勤苦紡績卒善事之養其姑甚孝而身則凍餒既生子益不給賜以非義沈不從潤乃陰與富者約改嫁之沈懼不免自縊死

熊氏南昌劉天瑞妻年二十三而寡生子仲高娶喻氏年二十六寡生子觀方四歲熊自念孀居難艱諷喻曰此焚焚四歲兒安可冀望喻泣曰姑能不負所天吾獨不能乎前途明暗一聽命于是婦姑紡績自給觀竟有成立孫曹不下二十餘人熊歿年九十喻八十二人以為



天道之報有雙節集行于世

余睿昭妻游氏睿昭卒無嗣撫姪銘為子孀居三年  
非廟祀不接宗族紡績以供舅姑躬勤艱苦終身不  
渝弘治十一年旌表

屈氏南昌徐鍾妻年二十鍾客死聞訃閉門自縊姑覺  
而破門救之撫孤守節自誓其母憐之欲奪其志乃  
剪髮以示復欲奪之即欲自殺母乃止孤患疾幾危掌心  
燒香籲天願身代子以昌夫後事姑孝姑死紡績供葬  
旌以貞節

朱氏南豐人謝勝華妻年二十六而夫卒子幼家貧躬  
績繼以養老姑壬辰兵亂歷艱危不少變姑歿號慟  
喪明正統三年旌表

李氏廣昌人何永孚妻孀時年十四越二年孚卒何死容  
釋粧每欲與俱柩前設一木搗坐而哭橛為之刺姑  
病朝夕祝告請以身代哭曰吾所以不死者為姑在也  
姑既逝君何生為哀慟嘔血不一月而死

葉氏臨川朱希軾妻軾亡葉奉姑以孝子昇以明經為  
儒官景泰中旌

元氏樂安王德修妻德修卒元年二十有五遺腹三月而生子家貧紡績以事舅姑撫孤成立孝慈節義俱至成仁問旌表

劉氏順貞安福伍希憲妻年二十八憲卒劉以老母與孤在自誓守節養姑教子如夫言弘治間旌

武志賢妻蘇氏太原徐滿人年十九夫亡子甫周家貧勤紡績養姑以孝永樂間旌

劉氏太原人適楊素素染疾不起劉號泣拔髮自誓比歿親埋喪葬事姑克盡婦道三子皆有成立景泰初旌

侯氏繁峙人廩巖妻夫歿侯焚香自誓居五十餘年養舅姑撫遺幼難辛百狀卒全其節天順間旌

吳氏大同人王玘妻玘卒吳年二十六養舅姑無違礼育遺幼令就學永樂庚子鄉薦正統間旌

張氏利津人安智妻智卒張以補紉傭直奉養舅姑撫孤煥及長娶王氏煥亦早卒王守節如姑正德七年表曰純孝貞節

王氏恩縣人張安任妻洪武十三年夫卒王誓不再適孝養翁姑撫幼子緣由及長娶畢氏畢亦早寡矢節如

姑旌曰雙節

甯氏安丘縣人許嫁同里劉真兒真兒死甯氏年方十六聞訃甚哀謂父母曰烈女不更二夫請往事舅姑至真兒家為服衰麻晝夜勤女紅以養舅姑及歿賣衾珥以葬節行完美洪武末旌

張德瑜妻姚氏華亭人嘉靖中年二十四夫亡屏食待斃及葬嚙棺號慟聲震里巷結廬墓側抱痛終天姑宋氏老病不解襟帶而侍奉湯藥者經年子亦以孝聞每按部使者至並以節孝旌異從子以誠辛

丑鼎元及第稱德門云

路氏汜水人趙三妻年二十五夫亡誓不再嫁孀居四十餘年孝養舅姑撫子安成立入太學安以狀聞受旌陳氏安陽人李諒妻年十九生一子旻夫歿于役聞訃哀慟絕粒三日不死乃復食緝紼以養舅姑姑患疽吮之愈撫旻成立孀居五十餘年成化十五年旌

王氏洛陽人董安妻年二十六夫亡無子紡績以養舅姑守節四十七年成化七年旌

續文獻通考  
楊煥妻王氏鄒平人寡無子其貧守節墓其祖  
翁姑及夫凡四喪旌表

續文獻通考卷之七十九終

